

O Concello de Coristanco quere ofertar unha interesante e atractiva opción de actividade estival como opción de conciliación do verán 2021; aprender xogando e convivindo cos demais e co entorno que nos rodea, descubrindo no deporte e na natureza as mellores fontes de ocio.

“Ó Son do Verán” é unha proposta que ten o seu orixe no ano 2020, e que presenta un programa de actividades culturais, deportivas e recreativas de verán que pretende combinar a aventura co deporte e o formativo co lúdico, a través dunha metodoloxía activa, participativa, integradora e dinámica que teña aos máis pequenos como protagonistas. Esta planificación de actividades será multidisciplinar, desenvolva en diferentes bloques temáticos:

- ◆ **Educación ambiental:** xogos de campo, itinerarios de identificación de elementos naturais, caderno da natureza, reciclaxe artística...
- ◆ **Actividades de animación e convivencia:** reunións, traballo en equipo, xogos de resolución de conflitos, xogos de expresión...
- ◆ **Actividades culturais:** polas que se dará a coñecer a zona e o entorno, coñecendo as tradicións e recursos naturais, talleres de artesanía e modelado de arxila.
- ◆ **Actividades deportivas:** sendeirismo, gymkhanas temáticas, xogo no medio natural, xogos de pistas, xogos de habilidade e enxeño, xogos con paracaídas, xogo de relevos...
- ◆ **Actividades para imprevistos por condición meteorolóxicas:** Sempre e cando as condicións non permitan o desenvolvemento da actividade na Rocheira, avisarase mediante mensaxe por **grupo de difusión** ás familias e trasladarase a actividade ao **Polideportivo Municipal de Coristanco**.

<b>Obxectivo xeral:</b>
<b>Ofrecer apoio a conciliación da vida familiar, laboral e persoal. Facilitar recursos de ocio e tempo libre para nenos de 3 a 12 anos no Concello de Coristanco.</b>
Obxectivos específicos do servizo:
Crear un espazo para o crecemento persoal de nenos e nenas a través do xogo e a participación en actividades lúdico-formativas. Crear un espazo para o fomento do uso do galego. Fomentar nos nenos e nenas valores e actitudes de respecto ao medio ambiente e consumo responsable. Traballar a autoestima individual e de grupo. Promover programas educativos sobre os hábitos saudables (alimentación, medidas hixiénico-sanitarias...) A Coeducación, igualdade de xénero e interculturalidade. Mellora da psicomotricidade e manexo de habilidades pre-deportivas.

## NORMAS DE FUNCIONAMENTO E ORGANIZACIÓN DOS CAMPAMENTOS DE CONCILIACIÓN DO VERÁN 2021

### FUNCIONAMENTO:

1. O campamento está destinado ás nenas e nenos con idades comprendidas entre os 3 e 12 anos.
2. O lugar de realización será na Area Recreativa da Rocheira.
3. O servizo prestarase de luns a venres en horario de 9h a 14h.
4. A preinscrición na actividade realizarase na Biblioteca Municipal do Concello, en horario de 8h a 15h.
5. Fíxase un prazo de preinscrición dende o 21 de abril ao 21 de maio de 2021.
6. Debido a situación sanitaria como consecuencia do Covid-19, e para a protección das/os menores e monitoraxe participante, faise necesario limitar o número de usuarias/os, motivo polo cal, os criterios de valoración serán principalmente as necesidades de conciliación obxectivamente demostradas: xornada laboral dos proxenitores e non dispoñer de redes de apoio familiar para o coidado das súas fillas e fillos.

### CRITERIOS DE VALORACIÓN:

- Non superar a renda da unidade familiar en 6,5 veces o IPREM 2020, tendo preferencia os de menos ingresos
- As traballadoras que teñan a consideración de vítimas de violencia de xénero para atender o coidado da filla ou fillo, tanto cando sexa por natureza como por adopción, ou no supostos de acollemento permanente ou garda con fin de adopción. 10 PUNTOS
- As nais e pais, para atender ao coidado dun fillos menor de 18 anos que teña recoñecido un grado de discapacidade igual ou superior ao 33%. 10 PUNTOS
- Familias monoparentais. 10 PUNTOS
- Familias numerosas. 10 PUNTOS
- Con necesidade de conciliación obxectivamente demostradas. 10 PUNTOS
- Empadroados no concello. 8 PUNTOS
- Non empadroados con posto de traballo no municipio. 5 PUNTOS
- Empadroados ou non no Concello con vivenda familiar no mesmo ou cursando estudos nalgúns dos centros do municipio. 5 PUNTOS
- Con necesidade de conciliación aínda que só traballe un proxenitor. 5 PUNTOS

7. Existen VARIAS QUENDAS para conciliar, serán por semanas, podendo escoller as opcións que interesen e será necesario marcar por orden de preferencia, para poder baremar e así conseguir conciliar ao maior número de familias posible.

- 1ª QUENDA: semana do 28 de xuño ao 2 de xullo
- 2ª QUENDA: semana do 5 ao 9 de xullo
- 3ª QUENDA: semana do 12 ao 16 de xullo
- 4ª QUENDA: semana do 19 ao 23 de xullo
- 5ª QUENDA: semana do 26 ao 30 de xullo
- 6ª QUENDA: semana do 2 ao 6 de agosto
- 7ª QUENDA: semana do 9 ao 13 de agosto
- 8ª QUENDA: semana do 16 ao 20 de agosto
- 9ª QUENDA: semana do 23 ao 27 de agosto
- 10ª QUENDA: semana do 30 de agosto ao 3 de setembro

8. A taxa por quenda será de 10 euros/nen@

9. A alta, baixa ou modificación da quenda e uso do servizo deberá ser notificada por escrito á Biblioteca Municipal do Concello. Aínda que o desestimento ou renuncia a actividade por parte do solicitante, unha vez iniciada a prestación do servizo, non dará dereito á devolución da taxa, salvo por causa imputable á administración.

10. Serán causa de extinción do servizo e baixa no mesmo o seguintes:

- Incumprimento dos requisitos establecidos
- Incumprimento das normas de convivencia establecidas
- Por solicitude da/o nai/pai ou representantes legais
- A comprobación de falsidade na documentación achegada

11. As familias deberán cumprir estritamente todas as condicións e medidas que se lles indiquen como forma de protección da saúde de todas as persoas participantes. É obrigatorio que as/os menores leven a súa propia máscara, tendo unha sempre de reposto, por si fose necesario substituír.

## ORGANIZACIÓN:

1. Antes do inicio do servizo é obrigatoria a presentación dunha declaración responsable que reflicta que a/o nena/o durante os 14 días previos á entrada na actividade non ten sufrido febre, tose, cansazo, malestar en xeral e que non ten estado en contacto con outra persoa con dita sintomatoloxía.
2. Manteranse as medidas de hixienización nos lugares onde se realicen as actividades.
3. As familias deberán estar localizadas e en disposición de recoller á persoa participante de forma relativamente pronto no caso de que así se requira polo monitorado do campamento. Para isto, facilitarase un contacto que poida estar dispoñible de ser preciso.
4. O Concello de Coristanco resérvase o dereito á reorganización, adaptacións e/ou suspensión do servizo se a situación sanitaria así o require.
5. Nas actividades deportivas e culturais intentarase manter a distancia prudencial sempre e cando o neno no se atope nunha situación de “perigo”. **O benestar, tanto físico como mental, dos nenos é a nosa prioridade** e antepoñeremos isto ás distancias en caso de ser necesario atender, reforzar ou “rescatar” a calquera dos participantes. Se un neno cae, a prioridade será axudarlle a levantarse. Se un neno chora, a prioridade será o seu consolo.

Por último recalcamos a nosa gratitude ante a vosa confianza e apoio, alimentando a ilusión que poñemos en sacar adiante este proxecto.

### **Material necesario:**

- **Roupa cómoda.**
- **Zapato pechado.**
- **Botas de Auga (días que así se solicite).**
- **Protector solar (primeira aplicación dende a casa)**
- **Muda**
- **2 Máscara (sempre levar unha de reposto por se fora preciso a súa substitución).**
- **1 bolsa/recipiente para gardar a máscara.**
- **Roupa de baño: bañador, gorro, piscina, chanclas e toalla.**
- **Gorra**
- **Aperitivo para media mañá.**
- **Auga individual e con identificación.**
- **Desaconsellase traer xoguetes ou dispositivos electrónicos que faciliten que o neno ou nena se ille do grupo ou poida chegar a ser foco de manipulación conxunta. O material para xogos e actividades será proporcionado polo Concello de Coristanco e distribuído polos monitores non sendo preciso a achega de material por parte das familias.**

### **Recomendacións:**

- **Pulseira repelente de mosquitos.**